

霑益州志

卷之一

序文 凡例

目錄 星野

輿圖 山川

建置 疆域

139
139



光緒乙酉孟秋重鐫

霽益州志

板存龍華書院

重修霑益州志序

光緒八年冬予莅霑陽之初政事多暇覽人文之蔚起睇編氓之樸訥不禁喟然而嘆曰此固入滇之第一州也不可無志旋集郡人士欲求舊志僉稱自道光乙未歲續修後板存龍華書院而迭遭兵火已殘缺無稽云迄今相距五十餘年其間之天時人事政治文章若不及時搜訪將湮沒而不彰矣適值

省開續修通志局檄飭採訪通報續纂不圖事有同心皆爲之眉飛色舞復會商都人士設採訪局於州城真武觀中就州之殷實籌貲開辦聘延 儒學兩

霑益州志

卷一 序

川〇

廣文並孝廉李君景賢茂寸馮君以濂及紳董等於
是草創有人討論有人潤色有人無非酌古準今詒
訪盡實將脫稿焉予因事調省瞬經一載又復捧檄
重來而修纂告成已爲卸任韓君申請核定將付剞
劂聊贅數語於簡端以誌予懷之欣幸云爾

光緒十一年三月吉日

知州事嶺南新甯陳燕序

霑益州重修志序

從來紀載之富足以信今而傳後者類由一鄉一邑採輯而成陳詩觀風按圖稽籍古之人有行之者也而况地不過百餘里時不及五十年平陂雖經獻文尚足使不及時搜訪將忠孝節烈政事文章其不至與草木同腐者幾希也可乎哉癸未秋

省開續修通志局余以次年春仲承乏於茲都人士亦有修志之議取閱舊卷其分門別類俱極嚴明於此而欲改絃更張匪特手筆難求貲亦不易爰與董事李孝廉馮茂才等商前規後隨不致杞宋無徵足矣僉曰善今已告竣用誌數言是役也李君景賢馮君以濂實任之後有作者其卽此而釐定之是又余之所厚望也已

光緒十年十一月

署州事蜀東江陽韓寶琛序於州廨

霑益州舊志叙

乾隆三十四年冬

王師征緬進圍老官屯緬人率衆來降明年春大兵振旅還京師予自永昌馳赴逸東查閱軍站因取道霑益州署州牧王子秉韜方鄧任謁予於行館以其新輯州志乞予序且曰是州創治以來迄今閱數百年而志乘缺如非所以昭文獻而備諮度也韜因州人之請卽前牧杜思賢所抄州博士弟子孔喬志略而增刪釐訂幸獲成書非敢云備一州之記載亦庶幾山川風土俗尚政宜有所考云予按霑益自漢入中國爲宛溫縣晉唐以來沿革非一迨元時始改置霑益州領交水石梁羅山三縣明仍霑益而併交水石梁羅山及越州入州治我

霑益州志

卷一 序

三

朝因之康熙三十四年始改州屬平夷廢衛置平彝縣雍正五年又裁土知州以其地置宣威州平彝東接貴州南籠屬境爲拱極大路而宣威之北又爲蜀陝通衢而皆滙於霑益故凡握英蕩建麾導負弩乘傳而至者莫不交錯於其地其被服於聲教久矣是宜早有徵信之志以供覩記而著述不具毋亦以政劇之故而不暇及歟方今霑益當軍書旁午之餘衝劇

尤異他日而志適成於此時則志之有無固在乎涖
斯土者之樂爲與否耳予閱斯志所錄凡井疆里俗
食貨藝文之事古今因革損益之宜條分縷析秩然
具備其亦可採也矣且予因州人之樂成斯志益知
禁旅凱旋無煩供頓故孔道居人皆得從容於纂輯則
斯志之成正可以覘軍行之不擾而閭閻安堵之象
有足慰予懷者豈獨資考覽方域之一助也

乾隆庚寅季春

撫滇使者長白明德序

霑益州舊志序

詳一代之典章備千秋之法戒此國史事也郡邑之志事紀一隅粵鎔燕函何關輕重而有不可不備者聖天子按圖而辨九土政治於是乎出而省志輯於各府府志輯於各邑一邑無志則府無完書府無完書卽省有軼事也周禮職方氏掌天下之圖而後周知其利害其間某水某邱俱涉經制一民一物畢係風聲切民生之近取著成式於將來皆唯志乎是賴此尤不得不爲之鄭重分明者已輯已丑承乏霑邑紳士以修志請并出前杜牧所抄訂孔生之裔志畧一冊

霑益州志

卷一

序

五

川文上

雖椎輪積水差備權輿惜乎記載甚略叙次亦勞欲成全書難矣且夫水不注於桑欽源流何自而晰書不觀於太史得失何以爲徵今日之因陋就簡不幾商世八遷孔疏但知其四禹河九道班掾唯撫其三也哉顧霑人共享承平者百餘年矣竟不獲勒有成書過此以往前徽益邈後效無因或并此志畧一冊亦湮沒無聞焉有志考古者能不爲之三嘆爰卽軍務之隙旁搜博採與嵩明翰臣唐君共參訂之編爲四卷條目先後一以省志爲次雖擇焉不精語焉不詳而黃河之水始於濫觴踵事可增似猶愈於官堂

無藉也嗟嗟歐陽氏新唐一書誌山川爲詳水利胡
元質成都之志紀風俗并課女紅區區之意唯望民
風醇茂人文蔚興乃守土者之幸也豈在鋪張盛事
爲一邑觀聽而已乎

乾隆三十四年嘉平月朔旦

署知州王秉韜叙

益州志

卷一序

六

六

霑益州舊志序

國有史省有志郡邑有紀載均之古今之鏡亦得失之林也曲屬之霑益自改土歸流以來未曾輯志是不獨採風者苦於無徵抑無以昭我

皇上治化之隆且遠也乾隆己丑歲含谿王公攝篆於茲紳士以輯志請並出前州牧杜公訂鈔廩生孔之齋志畧壹編公閱之參考諮諏以補其未逮書將成欲付剞劂而公實授定遠之檄適至港承之後塵勤思臆美而公肫肫以脩志未刊并改建龍華書院覆詳修脯膏火等事屬余接辦余曰唯唯公勤事勵職余

霑益州志

卷一 序

七

敢不敬襄善政乎今次第舉行落成在邇諸紳士復問序於余余辭之衆固請維時緬酋乞降

王師凱旋霑爲滇省門戶又當黔蜀孔道酬應紛繁實不暇及此春暮稍暇聊識數行自知不文難以行遠惟願後之覽者見疆里而思省方觀民見設建而思補偏起廢見賦役而思節用愛人見禋祀而思崇德報功見官師而思昭示恪共見選舉而思奮庸俊髦見人物而思景行先哲其雜志所該又通古今得失之變抑文獻之攸屬也港拜手而觀其成其欣幸爲何如也是爲序

乾隆歲次庚寅清和月

署州牧莧長曹湛晞林氏謹序

益州志

卷一

序

八

廿文

霑益州志原序

今天下車書一統寰海內外罔不率俾我

皇上聖德深仁萬里遐荒淪肌浹髓兼

各上憲保乂綏寧凡生聚教養之方固已無乎不至

矣霑爲衝邑州志獨缺何以揚太平之盛典大一統

之休風也哉

思賢

承乏茲土當蒞任之始卽詳求其

山川疆域人民風土因時制宜以爲敷政寧人之本
今已三稔於茲矣其間修廢舉墜宜興宜革所以聯
爨漢之情通遠邇之志者靡不殫心籌畫務期安全
而猶不敢私心自用也更欲訪昔賢牧之良法善政

霑益州志

卷一序

九

川文

奉爲楷模集爲成書而補志之所不及乃極意搜討
潛心訪求奈霑舊無文獻可徵又因疊羅兵燹往蹟
莫據事屬創舉徒歎望洋適霑明經孔君衍祺出其
父廩生諱之裔所著志畧一冊

思賢

欣獲藍本從而

損益焉潤色焉悉心查核分別去取寧謹毋濫寧實
毋虛寧詳毋畧凡霑之有關於國計民生者酌古準
今加意矜慎自圖繪以至藝文彙爲六卷冀竭微顯
闡幽之力爲信今傳後之書其志山川疆域城池也
所以明統轄而知防範其志星野祥異祀典也所以
謹修省而報功德其志田賦戶口度支課程也所以

知閭閻之盛衰而施教養其志官師學校市肆民風也所以考四民之職業而出政令至名宦鄉賢孝義之有志勵風化而敷名教也驛堡橋梁古蹟之有志達皇華而紀名勝也若風俗土司別漢夷之習尙里甲物產審物力之艱難仙釋備高曠之踪藝文驗風雅之盛何在非霑之所有何在爲志之可缺哉至望漏淺率之誚在所不免其於踵事增華隨時補輯端有俟於後之君子

皆

雍正十一年癸丑歲應鐘月

穀旦

霑益州志

卷一序

十

一七上

曲靖府霑益州知州加一級杜思賢謹序

志畧原序

申相國曰寰宇之內邑自爲載郡自爲記皆命之爲志而稗官野史亦復有風土之紀方輿之考各以其耳聞目涉筆而存之吾霑隸曲郡爲滇門戶巖疆要衝士淳民樸而夙求舊志邈不可得大抵兵燹叠見滄桑遞更典故湮沒碑銘剝蝕以致文獻無徵稽覈莫據耳苟不爲之旁搜博採存其什一後有作者何以備膚寸之合也哉余生也晚側名膠庠者六十餘年足未涉蠶叢劍閣之奇目未見天地寰宇之大茲且老而憊矣不揣謏劣撫拾舊典商確今聞由圖繪

以迄藝文字累而句輯之列其條目綜其大概或因一代之風尚殊宜或緣一時之士俗各異或古無而今有或始畧而終詳山川不必其高嶽大瀆也人文不必其名公巨卿也物產不必其示異矜奇也風俗不必其飾辭誇美也不過氣候系其統同邊塞著其夷險土地辨其肥瘠民物標其善良役賦詳其重輕禴祀紀其繁簡災祥示其修省藝文昭其風化敢云網羅盡善徵信一郡之文獻也耶抱樸子云不以璞非崑山而棄耀夜之珠不以書非聖出而廢助教之言倘異日太史氏周爰邦國問俗採風指陳有據藉

爲吾霜文獻之一徵未可知也郡廩生孔之裔序

卷一序

三

三

紳士公呈

霑益州舉貢生員王宇謨傳又說張惇顧淳李沛榮
張國賢彭世勳曾宗孔傅承蕙黃軒客唐允文林育
鳳李敦禮劉文緯王銘張瑋曹錦等呈爲修定州志
懇 恩裁訂事竊惟比事屬詞義惟嚴於筆削旌賢
賞善道實存乎簡編粵夫勝地名邦均入輜軒之採
卽至彈丸巖邑亦傳風俗之書霑益地近省垣路居
衝要象嶺龍華之概早蒙才士之品題草衣卉服之
儔羣沐賢侯之德化旣禮陶而樂淑亦俗易而風移
無如志乘未修方策莫備嘉言懿行或消磨於閱人
閱世之中雅化仁風竝泯沒於無信無徵之列前無
所感後奚以興欣逢

霑益州志

卷一

公呈

三

三三三

福星賁臨仰祈修成傳志汗青在握昭回雲漢之光緗
帙成編焜耀珠璣之彩杜工部詩可爲史江文通筆
且生花顯微闡幽附青雲而益著揚清激濁望玉管
以思跂庶前迹不至終湮後人因而益勵矣爲此具
呈須至呈者

乾隆三十四年十一月望日

續修霑益州志序

霑益州舊志纂自乾隆三十四年巳丑越三十五年庚寅告成其中編次悉照通志體例卷帙不繁而紀載畧備洵完書也逮今六十餘年承

外聖重熙累洽

聲教遐敷格被者漸深且久又經各 大憲及各州牧加意培育風俗愈茂人文蔚興政蹟事實有足備輶軒之採者道光丙戌 制撫憲續修通志檄行到州飭令續纂州志申詳前州牧王毓秀設局纂輯詳報在案奉文以凌雜繁冗批飭原志發回八九年間其事

霑益州志

卷一 序

古

三〇八

遂寢道光乙未夏

杰

與儒學

彭戴

倡議移建

崇聖祠州人士欣然樂從鳩庀之餘時與州紳士欵接共議續修州志乃取前批回原志會同參閱凌雜者正定之繁冗者節刪之未及付刊適 上憲札催續修謹案舊志體例彙輯成卷具文申詳並弁數言於簡

端

時

大清道光拾陸年歲在丙申孟秋月知霑益州事金

筑李杰蘭初氏謹序

凡例

一編次遵照舊志而節目間有攙入者奉文採訪業經詳定也

一是篇之修但取舊志續志與現在詳開合而爲一而先後不使紊亂血脈必求貫通其爲舊爲續爲詳以及援引他書並外有採訪新增之處則各加小註以別之

一篇中逐一考證以求徵信倘事有今昔殊致者則謹抒管見立案以辨明之

一祠祀查文廟祭祀典則多與舊章不符謹考諸書

霑益州志

卷一 序

五

四一八

自儀注圖考以及各祝文樂章詳晰補載非求異也重祀典耳

一秩官選舉立表以紀年其年遠無考者闕之

一舊志有今昔同而無容更易者查取殘簡可用則用以省工程故抬寫平闕行間規格悉遵舊式

一兵燹後所有忠烈孝義各叙小傳類皆據事直書不以鋪張衍實義至一切保舉人員援例貢監或限於條例或靳於採訪其間不無遺漏非有心棄取也

一舊志續志各序文凡例以及職官姓氏概加收錄數典不忘祖也

舊志凡例

一編次準通志而類附頗異通志載其綱州志載其目且事太簡不成冊者皆各以類從

一杜牧原錄共分八則敘次過畧今增爲二十四則其中紀載亦多沿襲舊本餘更考證以類入之

一是書成彙雖未浹三旬而咨訪採擇不遺餘力萬一遺漏殊慨文獻無徵爾

一古人養老皆於學而獎勵士風尤學校事也故鄉飲賓興皆附學校

一講約鞭春各志另編典禮夫講約以正風俗鞭春亦

霑益州志

卷一 凡例

六

與祀典今各以類編八

一選舉方技仙釋孔氏原錄俱歸人物今從之

署知州王秉韜識

志畧原例

一滇南分野諸家聚訟不一茲以省志郡志爲準凡異同之說不及悉載

一志必列圖繪正疆域也霑益舊城今分設宣威移州治於交城名雖仍昔地已各分卽照新分州治畫圖俾便披閱

一秩官名賢科目在未分治前者不容區別仍備誌之

忠孝節義必實有可傳乃足矜式霑無舊志往昔懿
行湮沒良多茲博採慎擇既不敢以輕心掩人善亦
不敢以無徵示將來故不多載

一慶賀燕祭諸儀備載令典率土咸遵不復贅述
一流寓隱逸未聞確有可傳姑闕之

一序文仍錄孔氏志畧一序不忘所自也

知州杜思賢識

原錄小序八則凡例十一條今編次既異故例應概
從刪去非有心求異前人也凡例之合於今志者仍
存七則於右

秉韜再識

重修霑益州志在事官紳姓氏

纂訂

特授霑益州知州 陳燕

鄧署霑益州知州 韓寶琛

校閱

特授霑益州儒學學正兼署訓導 莊致和

鄧任霑益州儒學訓導 馬文炳

承修

庚辰科大挑一等分發江蘇即用知縣 李景賢

分輯

霑益州志

卷一

官紳姓氏

六

廩

生馮以濂

校對

貢

生曹鎮邦

廩

生楊廷柱

繕寫

廩

生崔文華

增

生龍沛霖

增

生馮佐

增

生聶嘉行

增

生朱紹程

附

生鄧運昌

附

生李星

監刻

附生

報捐從九品

張覲廷

例職

鄉飲介賓

張肇基

霽益州志

卷一

官紳姓氏

五

卷一

霑益州舊志修輯職官姓氏

纂訂

署霑益州知州兼署羅平州事加一級 王秉韜

校閱

霑益州儒學學正 李文黼

霑益州儒學訓導 趙嗣普

承修

雲南府學廩生 唐時勳

分輯

舉人 王宇謨

霑益州志

卷一

修輯姓氏

又九

貢生 傅又說

校對

廩生 彭世勳

增生 劉日濬

繕寫

廩生 唐允文 增生 曹錦

附生 余楸 附生 徐昂

附生 雷汝霖

經理鐫刻

廩生 曾宗孔 廩生 傅承蕙

霑益州續志修輯職官紳士姓氏

纂訂

知 霑 益 州 事 李 杰

校閱

霑 益 州 儒 學 學 正 彭 嶠

霑 益 州 儒 學 訓 導 戴 聖 培

承修

原任安徽池州府青陽縣知縣邑 人 彭 輔 周

咨署廣東信宜縣 知 縣 邑 人 馮 晉 恩

分輯

霑益州志

卷一

修輯姓氏

三

歲貢張雲鴈 歲貢王履中 廩生李銘鼎

廩生張希俊 郡廩生尹駿

校對

廩生王澤溥 增生馮沛恩 附生呂徵熊

附生張行簡 包爾翼 郭廷楨

尹佩蘭

繕寫

廩生李元鼎 增生張文炳 黃金銘

附生馮迎恩 仇譽慶 監生馮秉忠

霑益州志目錄

卷之一

星野 氣候附

輿圖 諸圖附

山川

建置

疆域 形勢 五路歌括附

卷之二

城池 關哨 郵傳 津梁附

學校 丁祭祀位圖 學額 學田 書院 書院產
業 定卷價碑 義學 書籍 鄉飲 鄉飲

霑益州志

卷一 目錄

三

儀注 賓興附

風俗 彝風附

戶口

田賦 錢糧碑附

課程

經費 蠲郵 賞郵附

水利

卷之三

積貯

祠祀 文廟陳設圖 丁祭儀注 寺觀附

兵防 師旅考 改設練軍考附

秩官 土司 羣蠻 衙署附

名宦 忠烈 循吏

卷之四

人物 鄉賢 宦績 軍行 忠義 孝義 壽民 鄉

文學 選舉 貢監 例職 封蔭難蔭 飲賓 方技 仙釋附

列女 壽婦附

古蹟 坊表 塚墓 金石附

物產

祥異 異聞附 以上條目有新增者以別之

霑益州志

卷一 目錄

三

三

卷之五

藝文上

卷之六

藝文下

癸未秋 督撫奏請續修通志仲平陳侯奉採訪

文盛筵席商士紳謂邑乘待修已久盍乘此舉行

兩美不並獲乎僉以為可愛分路捐貲設局於真

武觀之西廂 賢 愧蒙聘延辭之不允遵於季冬與

讓泉馮君開局採訪甲申仲春出詳時西舫韓侯

莅任奉局憲以合式批示應輯成書惟是遺版殘

缺過半欲仍續修不特續之又續而新者應鑄舊者待補程工亦同歸浩費則不若重修之爲愈今夫志之爲書大抵志地里官師食貨經籍五行數類而已查舊志編次悉準通志其辨星野而志地輿山川也名勝可覽其考建置而志疆域城池也沿革胥詳其志學校而次以風俗戶口也輜軒足采其志田賦而繼以課程經費也出入有常至水利積貯有志祠祀兵防有志足徵秩官之經綸選舉貢監有志忠孝節義有志亦驗人物之表著他若古蹟以證傳聞物產以資多識祥異以示修省

藝文以廣才華古訓是式何俟今人而改張乎則惟舉事之錯見於古人後者彙而輯之接而續之條分縷晰聯絡成篇而先後不紊足矣雖其間小有援引夾注緊要事宜不可畧也間有攙補條件採訪詳冊不容湮也嚴義例明斷限編卷爲六而補缺正譌凡以求徵信於來茲耳賢學識謫陋自愧無所發明一切收錄悉參校於兩學博裁訂於二賢侯萬不敢稍存偏私是則兢兢自惕者已甲申新秋邑人李景賢謹識